

Od trenutka podnošenja prijedloga za glasanje o nepovjerenju Vladi Kantona Sarajevo, od strane nove skupštinske većine, vodio sam Vladu Kantona Sarajevo i radio u izuzetno teškim uslovima bez neophodne skupštinske većine za izglasavanje i rješavanje brojnih pitanja koja su od važnosti za život građana Kantona.

Uvažavajući informacije sa kojima raspolazem i procese koje smo započeli u ovome izuzetno teškom periodu, svjestan sam da Vlada Kantona Sarajevo mora imati političku podršku i prohodnost u donošenju hitnih odluka i ubrzavanje pokrenutih procesa u interesu građana Kantona Sarajevo.

Sve navedeno je bio i razlog što sam ovu ostavku najavljavao i prije više od mjesec dana, odmah nakon što je postalo jasno da je u Skupštini Kantona Sarajevo promjenjena većina u vlasti, a sada kada je to i pismenim prijedlogom i odlukama Skupštine Kantona Sarajevo za glasanje o nepovjerenju Vladi Kantona Sarajevo ozvaničeno i potvrđeno, odlučio sam se na ovakav postupak !

U ovom trenutku, kao neko ko je posebno u prethodnih mjesec i po dana, vodio Vladu i radio u izuzetno teškim uslovima bez skupštinske većine za izglasavanje i rješavanje brojnih pitanja koja su od važnosti za život građana Kantona, drago mi je da dolazi Vlada čije će odluke imati neophodnu političku podršku i prohodnost i to je ponavljam, ključni razlog za ubrzavanje pokrenutih procesa . Smatram da je moja i moralna i zakonska obaveza i odgovornost prema građanima Kantona Sarajevo, ubrzati procese koji neminovno slijede .

U skladu sa čl.12. st.3. Zakona o Vladi Kantona Sarajevo, podnošenjem moje ostavke, smatra se da su ostavku podnijeli i svi članovi Vlade .

U slučaju da Skupština KS ipak ostaje pri pokrentuoj proceduri izglasavanja nepovjerenja Vladi Kantona, ovim potvrđujem da sam saglasan i sa tom procedurom i da ću u tom slučaju, ostavku podnijeti odmah po izglasavanju, u skladu sa čl. 11. Zakona o Vladi Kantona Sarajevo .

Molim Vas da u skladu sa čl.12. i 13. Zakona o Vladi Kantona Sarajevo, ovu ostavku odmah uputite u daljnju proceduru i potvrđivanje od strane Skupštine Kantona Sarajevo.

U skladu sa članom 13. Zakona o Vladi Kantona Sarajevo, dužnost premijera i poslove iz svoje nadležnosti članovi Vlade i ja u funkciji premijera, obavljat ćemo savjesno i odgovorno do imenovanja nove Vlade Kantona Sarajevo.

S poštovanjem,



Dostaviti:
- Naslovu
- a/a



web: <http://vlada.ks.gov.ba>
e-mail: premijer@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

